

尚友錄

(明)廖用賢編



尚友錄卷十一

閩綏安 廖用賢 賓于編纂

楚晴川 張伯琮 鵠湄補輯

男 張坦讓 遜菴參訂

孫

張任鄭 若虔

張任郎 夢選

校正

汪

平陽商音汪
汪氏之後

汪文和

漢字國輔建安中以龍驤將軍為會稽令
避地始遷居於新安縣遂為新安望族

汪叔舉

南北字鵬遠新安人
宋大明中仕為軍司馬

汪華

唐績溪人少以勇俠聞隋末兵亂以土豪應
郡募保據郡境併有宣杭睦婺饒五州建號

吳王唐武德間籍土地兵民納款高祖授以總

管歙宣杭睦饒婺六州軍事歙州刺史封越國

公郡人十姓九

汪皆華之後

汪萬於

唐字叔振歙人有詩名憲宗
時仕為江陵府戶曹參軍

汪武

唐婺源人乾符中為鎮西將屯臨高戰守有功
楊行密錄其績以為節度押衙檢校司空始

武以私積市民地置城池以守數歲遷爲縣因以制置三十餘年民無寇患陶雅爲刺史暴增民賦武不爲屈邑人賴之後爲雅所害賦遂以增邑人至今祀武號正司空之廟

汪

漬

唐字清光華之後景福二年授歙州團練使後以拒賊死世稱爲端公立廟祀焉

汪台符

五代徽州人生而靈異逆知吉凶能文章博今古性獨嗜酒徐知誥鎮金陵台符詣陳民

間利病知誥甚尊重之宋齊丘疾其高明使親信誘台符飲符卽知故浮曰痛飲臥地因推沉石頭蚶蜢下後人每於黃山白嶽見之齊丘聞覓其尸惟衣冠耳

汪廷美

宋婺源人孝友純至義居數十年聚族衆數百口且暮食必同席有未至者不敢先廷美

節嗜欲身衣繒布非祭不肉食親喪盡哀不應
賓客遇忌則終日齋肅大中祥符中東封赦減
天下賦十之二廷美亦減其佃者租十之二乾
興頒遺詔衰經號慕營礎齋者七日嘗以秋冬
出糶或勸須春廷美曰吾人覓食甚難乃欲蓄
藏待價於爾安乎遠賈有鬻香者去後察其裏
得金追而還之里人或詰其驚問之曰夏至將
以祭先廷美曰彼窮乃有孝心助以魚酒又有
從質麥種十石者過期言種敗無所收廷美
還其質更遺麥三石以助其費子姪諸孫有過
未嘗形諸言但訓以自勉興替之事家人偶有
罪過吏以爲當坐家長廷美時年六十九或言
稱七十宜免罪美曰吾已失訓又增年以免罪
是誣官也不可會赦遂免郡守欲去表門閭

之辭

汪文諒

宋旌德人家饒餘與兄文政俱尚義輕財聚族千百口天禧中旌表其門後以里物獻京

師詔賜白金文諒請以賜金

易國子監書歸訓子孫從之

汪藻

宋字彥章婺源人崇寧初進士累官顯謨閣學士父寂嘗爲晉江令于時藻始生後藻復

守是邦謝表曰訪六十年之父老恍若前生佩

二千石之印符敢期今日紹興中爲翰林學士

晚年詩文益奇自號龍溪所著有龍

溪集七卷 七子恬悟恪惇愴懣惇

汪洙

宋字德溫鄞人九歲善賦詩時牧鵞黌宮見殿宇頽圯洙心竊歎之題其壁曰顏回夜夜

觀星象夫子朝朝雨打頭萬代公卿從此出何
人肯把俸錢脩上官奇而召見時衣短褐問曰
神童衫子何短耶洙輒對曰神童衫子短袖大
惹春風未去朝天子先來謁相公世以其詩詮
補其集用訓蒙學爲汪神童詩登元符三年李
釜榜進士任明州教授著春秋訓詁召陞宮教
拜大宗正卿至觀文殿大學士提舉台州崇道
觀築室西山月集諸儒講學以教授族間之子
弟鄉稱崇儒館卒諡文莊平生稟性仁厚忠孝
著聞子思溫觀文殿大學士思齊端明殿大學
士孫大猷敷

文殿大學士

汪應辰

宋字聖錫元名洋號玉山紹興五年進士第
一御賜今名後爲秘書監食罷會茶

就枕不起或戲之曰宰予晝寢於予與何誅汪
曰子貢方人夫我則不暇合坐稱美累官吏部
尚書剛方正直敢言不避在朝多革弊政中貴
人皆側目上皇方斃石池以水銀浮金鳧魚于
上帝過之上皇指示曰水銀正乏此買之汪尚
書家帝怒曰汪應辰力言朕建廊房與民爭利
乃自販水銀邪時賜發運使史正志緡錢二百
萬爲均輸和糴之用應辰三上疏論之遂出知
平江府然水銀實非買應辰
家也劉珙嘗薦其文學于帝

汪大猷

宋字仲嘉在四明置田二十畝以爲義庄朕
慕者衆積置三頃郡守林大中助絕產二頃
遇士族之貧者家有吉凶隨事白郡郡以庄租
給之爲無窮之利初調衢州江山尉分鄉警

捕境內肅然後有諭德之除龍及淵在閣門聞之亟稱以爲當日某貴在三衢只見說江山縣尉之賢孝宗朝除敷文侍制特升學士

汪

綱宋字仲舉乾道中知紹興府築一園曰賜榮取李白憶賀監詩勅賜鑑湖水爲君臺沼榮

之意創鎮越堂自爲記又創月臺於堂之前王十朋詩云人望使君如望月要須如鏡莫如鈞後以郎官爲本路憲

兼帥在任九年召爲戶侍

汪

革

宋臨川人性孝友家貧好學試禮部第一分教長沙卒年四十五生平深厚不伐矧親友之

急解衣推食無難色嘗謂人曰咬得菜根斷則百事可做所著有清和類藁及解行世

汪

紹

宋

子十博婺源人好義乘施嘗闢義學教鄉里十弟割田三百以充贍費學者無裹糧束

脩之

勞延舊邑簿呂廣問爲師廣問嘗學于尹

燉與

聞二程之學

子存時爲西京文學言時

政得失不報遂

棄官歸就學焉

汪待舉

宋

字懷忠衢州人紹興中知處州爲政寬厚曲盡下情民有訟呼之使前面究曲直不以

屬吏

故庭無留事筆楚罕用百姓以詩頌之曰

官舍

却如僧舍靜吏人渾似野人閒有郡民飲

客者

客醉臥空室中客夜酒渴索水不得取花

瓶水

飲之次早啓戶客死矣客家訟于官待舉

寃舍

中所有物並瓶浸旱蓮而已待舉逆知之

試以

其水飲死因果死於是野人之寃得白

汪與成

宋銅陵人一家百八十口盡死于建炎之難獨遺與成後三年改葬其父念母骸骨不存

刻木削形待養十年而後附葬哀動鄰里邑人林楠以詩美之曰事死如生有至難古來不獨

數丁

蘭

汪思溫

宋郵縣人政和初進士累官至太府少卿鄉之士族有喪不能舉孤女不能嫁者思溫割

田給助爲

鄉里倡

汪若楫

宋字作舟休寧人咸寧間爲紫陽書院山長歷官宣城尹精研理學尤工於詩所著有秀

山集

十卷

汪作礪

宋字必成夥人樞密勃長子少有聲場屋預鄉薦入太學補承務郎授浙西倉屬江右帥

玉立

幕主管臨安府城北右廂乾道初元歲歉朝廷錄救荒之功主奉常簿乾道五年子義榮義端同登第作礪知桐川陞辭曲謝子姪輩俱叨賜第玉音褒論云皆是卿手足見義方之訓守延平秩滿入對乞哀二十年間寬恤詔令爲一書冠以戒勅之辭俟監司守臣陞辭日各賜一本終更仍令以所行復于上而賞罰之除提舉湖南常平茶鹽就除提點湖北刑獄司祠終於家年七十三居家必時製良藥以施病者市綿衾以施寒者又施棺收無以爲歛者居官亦然子義和字謙之知隆興新建縣時講荒政條畫備具視旱白府帥曰旱勢特甚已批放八分矣

帥怒其專義和執愈堅帥爲變容從之擢淳熙八年進士第治縣有聲倅紹興守武岡每大比附試於郡歲貢一名義和謂郡統溪洞民尚武健欲變其俗莫若崇學校科舉乃請於朝竟得闕貢闡增貢員秩滿太常博士兼禮部郎中樞密檢詳館伴正旦使時慈福几筵未撤使以樂請義和折之曰國樂尚禁使人豈宜以此爲請虜慚而止除右司兼檢討玉牒除起居舍人繼除侍御史兼云省最卿毛呈見義式之圖等語侍講兩月卒

汪立中

宋嘉定間出知武岡軍

工詩好學作興士類

汪應元

宋字節卿歙人紹定五年登第調潭州戶曹嘗奉臺檄出武岡之綏寧會猺洞嘯聚從者

請避之應元曰吾以王官奉主事奈何爲小吏
所攝乎卽前往召酋長以理論之皆服淳祐間
擢刑法科除大理評事歷大府丞權刑部郎議
獄精審選攝太常卿從以直秘閣提點浙東刑
獄卒
于官

汪儀鳳

宋字祥甫歙山泉人六歲能文連中浙漕凡
五試禮部不利賈似道嘗以詩經納交後自

江上還朝奏授迪功郎隆興府司戶叅軍度宗
登極辦公事尋以功差充淮東制置大使同幹
辦公事歲甲戌詣部班引廟堂議以史館處之
謝不顧遂以通直郎致仕性嗜學手不釋卷居
鄉好施與病不服藥將終沐浴衣冠端坐而卒
年八十四晚築山泉亭因以自號人稱山泉先

生所著有山泉類藁
四十二卷程文六卷

汪自強

宋淳安人紹定間進士知錢塘縣時值孟饗
赤縣出班起居人物清修帝目送之中書因
薦其才際監察御史兼崇政

殿說書未幾遷大理寺卿

汪元春

宋字景新奉化人貧苦卓立博涉羣籍尤長
於詩早遊京國不妄內友登淳祐元年進士

宰錢塘貴勢不敢干以私後以宗學博士守興
化端介強敏人皆悅服比歿士民巷哭祠於郡
學中書劉克莊以

遺愛錄聞於朝

汪詠

宋休寧人孝宗時知蒲圻興起學校政聲燁
然上言正經界均力役皆嘉納遷大理寺丞

汪立信

宋度宗朝爲京湖制置使未幾遷沿江招致

大使初立信移書與賈似道曰今日之勢十
去八九君臣宴安不以爲虞酣歌深宮嘯傲湖
山欲拱揖折衝不亦難乎又力陳三策似道抵
其書于地曰瞎賊狂妄敢爾乃中以危法廢之
及將出師乃召立信立信受詔卽日就道與似
道遇于蕪湖似道撫立信背曰不信公言以致
如此因問立信何向立信曰今江南無一寸乾
淨地某去尋一片趙家地上死要死得分明耳
旣至建康守兵悉潰立信知事不可爲歎曰吾
生爲宋臣死爲宋鬼終爲國一死但徒死無益
耳乃引所部守高郵以爲後圖後聞似道師潰
欬歔曰吾今日猶得死於宋土乃置酒召賓僚
與訣夜分起步庭中慷慨悲歌揮拳撫膺者三